

坤輿典第一百十五卷

建都部藝文二

三都賦

有序

晉左思

蓋詩有六義焉其二曰賦揚雄曰詩人之賦麗以則班固曰賦者古詩之流也先王采焉以觀土風見綠竹猗猗則知衛地淇澳之產見在其版屋則知秦野西戎之宅故能居然而辨八方然相如賦上林而引盧橘夏熟揚雄賦甘泉而陳玉樹青葱班固賦西都而歎以出比目張衡賦西京而述以游海若假稱珍怪以爲潤色若斯之類匪啻於茲考之果木則生非其壤校之神物則出非其所於辭則易爲藻飾於義則虛而無徵且夫玉卮無當雖寶非用侈言無驗雖麗非經而論者莫不詆訐其研精作者大氏舉爲憲章積習生常有自來矣余旣思摹二京而賦三都其山川城邑則稽之地圖鳥獸草木則驗之方志風謠歌舞各附其俗魁梧長者莫非其舊何則發言爲詩者詠其所志也升高能賦者頌其所見也美物者貴依其本譴事者宜本其實匪本實覽者奚信且夫任土作貢虞書所著辨物居方周易所慎聊舉其一隅攝其體統歸諸詁訓焉

按路史炎帝長於姜水都於陳

注

今宛丘有陳城故陳國傳云太昊之虛或云神農亦居此酈元

云今故城北有所謂義神實者其處也實者對虛之名天文旗中四星爲天市其中星多則實虛則耗神農所在人民常實非若虛若朝實而暮虛也以是知神農之去太昊不遠矣傳無炎帝之虛而紀載皆以爲都魯此謬認大庭爲神農故爾世紀云太昊都陳豫州之域西望外方東及明諸胡公之封神農氏亦都之是義炎果同處然考義炎之都似在陳倉太昊紀已詳之而世紀云又營曲阜故晉志云神農都陳又別營曲阜郡國志云自陳徙都於此昔大庭阪譙周云炎帝居大庭實宇記曲阜炎帝之虛皆相承之訛也

蓋宇於沙是爲長沙 考神農之都宜在南方故顓帝之都在北益以知太昊之在東少昊之在西爲信

按地理通釋神農都注曲阜在魯城中委曲長七八里

黃帝有熊氏都涿鹿 按史記五帝本紀黃帝披山通道未嘗寧居東至于海登丸山及岱宗西至空桐登雞頭南至于江登熊湘北逐葷粥合符釜山而邑于涿鹿之阿遷徙往來無常處以師兵爲

營衛

按竹書紀年元年帝卽位居有熊

按帝王世紀黃帝都涿鹿於周官幽州之域在漢

爲上谷而世本云涿鹿在彭城南然則上谷本名彭城今上谷有涿鹿及蚩尤城阪泉地又有黃帝祠皆黃帝戰蚩尤之處也或曰黃帝都熊今河南新鄭是也

按路史黃帝開國於熊

注世

紀云有聖德授國於有熊鄭也

卽位都彭城

史傳言帝居涿鹿世本云涿鹿在彭城代弗知也故魏土地記云濟城南東六十里

有涿鹿城城東一里有阪泉泉上有黃帝祠則世本之言信矣然媯州懷戎乃故涿縣有涿鹿山黃帝祠阪泉蚩尤城世止以爲帝邦在是而世紀遂疑上谷當名彭城非也按涿鹿有三又有晉濁二音上谷本蚩尤之居而彭城乃黃帝之都蓋帝克蚩尤以其名來此猶漢舂陵之內啟爾若修武之濁鹿與蚩尤二冢相近則尤死之地又嘗以此名冠之也

傍行天下未嘗寧居乃都於陳

今寶雞故陳倉姚睦云黃帝都陳倉非宛丘故今隴右黃帝遺迹

甚多水經注上邽有軒轅溪軒轅谷睦云黃帝生處遁甲太昊亦治陳倉豈三皇固在西乎仙傳謂都泰山之阿世紀都軒轅丘俱妄

少昊金天氏都曲阜

按帝王世紀少昊氏自窮桑登位故春秋傳曰世不失職遂濟窮桑登帝在

魯北徙於曲阜於周爲魯在禹貢徐州蒙羽之野奎婁之分降婁之次周以封伯禽故春秋傳曰命伯禽而封少昊之墟是以書敘稱魯公伯禽宅曲阜是也

按路史少昊都於小顓

注顓地也

故周書云命蚩尤宇於小顓宜在西方梁雍之域以故昊皓皞姓多出西方然靡究其所遠遊章句云西皇所居在西海津拾遺記窮桑者西海之濱蓋近西也故咸陽爲雲陽

以宇窮桑故亦曰窮桑氏 見世紀賈逵云處窮桑以登帝天下號曰窮桑帝寶檀記一曰窮桑氏一曰金寶氏一曰桑丘氏是爲白帝然非河圖所謂白帝朱宣也

或云曲阜鹵是以云小昊之墟 曲阜無考世紀以爲都徐州蒙羽之野奎婁之次晉志云少昊始

自窮桑而遷都曲阜因傳與世紀也曲阜魯城中小地名

按地理通釋世紀少昊氏自窮桑登位

注

外紀少皞青陽居江水邑于窮桑

後徙曲阜於周爲魯周以封伯禽春秋傳曰命伯禽而封於少皞之墟 曲阜在魯城內劉公幹魯

都賦昔大庭氏肇建厥居少昊受命亦都茲焉水經注曲阜少昊之墟有大庭氏之庫魯都賦曰

戢武器於有炎之庫放戎馬於巨野之垆或云金天國號

顓頊高陽氏都帝丘

按史記五帝本紀注皇甫謐曰都帝丘今東郡濮陽是也

按竹書紀年

元年帝卽位居濮

按帝王世紀顓頊氏自窮桑徙商丘于周爲衛在禹貢冀州太行之東北踰

崇山及兗州桑土之野營室東壁之分豕韋之次故春秋傳曰衛顓頊之墟也謂之帝丘今東郡濮

陽是也

按路史顓頊年十五而佐小昊封於高陽

注涿郡有漢高陽縣以在高水之陽而名

本隸河間今之順安軍然浚儀亦有高陽故城開封圖經云高陽氏佐少昊有功封此九域竇宇

從之非也蓋後都之冒高陽之名於此爾

都始孤棘二十爰立乃徙商丘以故柳城衛濮俱爲顓帝之虛

古帝王於中國邊地每有二都孤

棘今營州柳城東南百七十棘城是竇宇記云顓帝之虛通典云號曰顓帝之虛故慕容廆以大

棘城帝顓頊之都移都之商丘濮陽也以帝居之因曰帝丘乃衛之都故今澶之臨河東北三有

顓頊城史記顓頊都帝丘其地北至幽陵惑也世紀云自窮桑徙商丘大行東北及兗廣桑之野

豕韋之次水經晉志因之非

按地理通釋世紀帝丘今東郡濮陽是也濮陽故城在今澶州

開德府

濮陽縣東

注唐高宗封泰山

次濮陽問此謂帝丘何也許敬宗曰昔帝顓頊始居此地以王天下其後夏后相因之爲寒泥所滅後昆吾氏因之而爲夏伯昆吾既衰湯滅之至春秋時衛成公自楚丘徙居之左氏稱相奪予享以舊地也由顓頊所居故曰帝丘通志顓頊都高陽皇覽顓頊冢在東郡濮陽頓丘城門廣陽里中

通典棘城卽顓頊之墟在營州柳城東南一百七十里晉載記慕容廆以大棘城卽帝顓頊之墟也乃移居之

郡縣志高陽故城在汴州雍丘縣西南二十九里顓頊佐少昊有功受封此邑外紀顓頊都衛故爲帝丘後徙高陽稱高陽氏

帝嚳高辛氏都亳按史記五帝本紀注皇甫謐曰都亳今河南偃師是按竹書紀年元年帝

卽位居亳按帝王世紀帝嚳氏都亳今河南偃師是也或言在梁非也按通志帝嚳都亳亦

謂之高辛

注

卽偃師縣今隸西京帝嚳爲高辛氏故都亦謂高辛

陶唐氏

帝堯都平陽 按史記五帝本紀註帝王紀云堯都平陽於詩爲唐國徐才宗國都城紀云唐國帝堯之裔子所封其北帝夏禹都漢曰太原郡在古冀州太行恆山之西其南有晉水括地志云今晉州所理平陽故城是也平陽河水一名晉水也 按竹書紀年元年丙子帝卽位居冀 按通

志堯始封於唐後徙晉陽卽帝位都平陽

注

唐今定州唐縣猶有唐城存焉或云唐城在絳州翼

城西二十里及徙晉陽則以晉陽爲唐今平定軍有古晉陽城是其地及爲天子都平陽則又以平陽爲唐平陽今晉州也

按路史帝堯生於丹陵受封於陶

注

陶今廣濟治定陶故范曄謂定陶爲陶堯所居今壽光有堯

水伏琛晏謨皆以爲堯頓駕處

改國於唐都於平陽安邑

今晉之臨汾漢平陽也卽晉陽有故堯城姑射山元和志有堯帝廟在

臨汾東八及南六里世紀謂自唐封徙晉陽及爲天子都平陽繆也平陽太原大夏大鹵夏虛晉晉陽七名一地實宇記云平陽今晉晉陽太原也然魯衛皆有平陽非堯都矣夏歌惟彼陶唐有

此冀方今霍邑至平定有故晉陽城本永安地去晉四百里皆古太原地開皇十年於并城中古晉陽置太原縣宋爲平晉軍九域志翼之堂陽有堯臺九門城郡國志云信都堂陽九門城古臺二並號堯臺城塚記堯臺二所九門城縣所造又今河中有故唐城在絳之翼城西二里故通典謂堯舊都在蒲也

按地理通釋世紀帝堯始封於唐今中山唐縣是也堯山在焉 郡縣志定州唐縣古唐侯國堯初封於此今定州北有故唐城

唐水在西北入唐河 南有望都縣山卽堯母慶都之所居也相去五十里都山一名互山北登堯山南望都山故名縣曰望都地理志堯山在唐縣南張晏以堯山在唐東北望都北史記堯作游成陽正義濮州雷澤縣是

後又徙晉陽今太原縣也於周在并州之域及爲天子都平陽於詩風爲唐國武王子叔虞封焉季札聞唐之歌曰思深哉其有陶唐氏之遺民乎括地志今晉州所治平陽故城是也 輿地廣記晉州臨汾縣本平陽隋改爲晉陽河水一名晉水韋昭云陶唐皆國名或曰堯先居陶後居唐陶今

廣濟軍定陶縣唐今中山府唐縣猶有唐城存焉或曰唐城在絳州翼城西二里括地志定州唐縣堯後所封漢書音義唐今河東永安去晉四百里卽彘也詩譜曰唐帝堯舊都之地今曰太原晉陽堯始居此後遷河東平陽

書惟彼陶唐有此冀方正義堯都平陽舜都蒲坂禹都安邑相去不盈二百皆在冀州通志曰自開闢以來皆河南建都雖黃帝之都堯舜禹之都於今皆爲河北在昔皆爲河南大河故道自碣石入海碣石今平州也所以幽薊之邦冀并之壤皆爲河南地

有虞氏

帝舜都蒲坂按史記五帝本紀注皇甫謐云舜所都或言蒲坂或言平陽或言潘潘今上谷也正義曰括地志云平陽昔晉州城是也潘今媯州城是也蒲坂今蒲州南二里河東縣界蒲坂故城是也按竹書紀年元年壬子帝卽位居冀按冊府元龜或言居漢中郡西城西北媯墟

按通志舜始封於虞卽帝位都蒲坂

注虞卽南京虞城縣蒲坂隋改爲河南縣今隸河中府

按路史帝舜都於蒲

注

今河東縣蒲津關所謂蒲坂漢志之蒲坂縣本曰蒲或云蒲陰今河中有

古今圖書集成
舜泉坊二井相通祥符祠汾陰臨觀賜名廣孝泉蒲瀕河地鹵水鹹此獨甘美西征記潼關去蒲坂城六十城中有舜廟城外有舜宅并二妃壇南去城二十舜所耕也

及安邑 皇甫謐云舜所都或云蒲坂或云平陽及潘今城中有舜廟按潘在媯之懷戎西北三里亦有歷山上有舜祠考之帝迹未聞在此媯汭在河中不得遼隔如此

按地理通釋堯典釐降二女于媯汭

注

媯水名在今河中府河東縣出歷山入河爾雅水北曰汭

括地志媯州有媯水源出城中耆舊傳曰卽舜媯汭水經注世本曰舜居饒內在漢中西城或言媯墟在西北舜所居也通典金州西城縣有媯墟帝王世紀謂之姚墟世本曰饒汭古文尙書周語羸內音媯汭括地志又云姚墟在濮州雷澤縣東十三里會稽舊記云上虞三十里有姚丘卽舜所生也

嬪于虞

括地志故虞城在陝州河北縣東北五十里虞山之上今平陸縣皇甫謐曰堯以二女妻

舜封之於虞今河東太陽山西虞城是也舜居虞地以虞爲氏郡國志太陽有吳山上有虞城括地志宋州虞城縣舜後所封外紀本處虞之媯汭號曰有虞氏

世紀舜所都或言蒲坂卽河東縣 外紀都蒲阪

夏

大禹都安邑 按史記夏本紀註皇甫謐曰都平陽或在安邑或在晉陽 按竹書紀年元年己

未帝卽位居冀 按通志禹封於夏受禪之後都平陽又徙安邑 注夏今陝州夏縣安邑今隸

蒲州平陽卽堯都也禹在陽城者避商均之地而非都也五子之歌曰惟彼陶唐有此冀方言堯

舜及禹皆在冀州界

按路史禹封高密以處於櫟是爲有夏曰夏伯 注今密之高密禹之初封櫟今之許昌陽翟漢屬

潁川唐隸河南有禹山禹故城及鄭之櫟邑昔武王至周曰吾其爲有夏之居乎遂營洛邑謂櫟

也世紀云夏今陽翟卽此地志云陽翟夏禹國或云都之非也竇宇記鄧州引漢志潁川南陽本

夏禹國周爲申國按志潁川陽翟夏禹國南陽故宛今南陽爲申錯陽翟言之兩誤王充云堯以

唐侯嗣位舜以虞地得達禹繇夏而起湯自商而興皆本興昌之地爲號重本不忘始也或云封

在虹虹今宿之縣輿地志云堯封夏禹爲伯邑於此卽位徙都於陽翟漢爲夏丘縣北齊爲夏丘

郡世紀又以高密爲禹字益繆

卽位都陽城 瓚云世本禹都陽城在大梁之南今陳留浚儀故實字記登封古郛城引地理志潁川陽城爲禹都非也乃澤之陽城堯舜皆都河東北不居河南故說者又謂禹避商均於此皆非太原 卽晉陽世紀云禹自安邑徙晉陽漢志自平陽遷安邑後徙晉陽通典并州太原禹所都注云禹都或爲今太原或爲今平陽或爲河東安邑或云今河南陽翟不一也

安邑 世紀云或居安邑今陝之夏縣魏太和元年析安邑置以禹都名北十五有夏宮夏故城夏禹臺十道志云縣有夏禹宮夏靜與洛下書云安邑禹舊宮有石殿陰戶丹庭紫房臺在縣西北十五十三州志云塗山氏思本國築以望之基猶在夏城南安邑塗山臺俗謂青臺上有禹祠縣東南五十五中條山有望川夏后避夏離宮之所地形志河北有北安邑縣漢晉屬河東又有南安邑注太和十一置元和志今安邑地太和十一別置十八年爲夏縣

按地理通釋皇王大紀禹都于安邑世紀繇封崇伯國在秦晉之間禹受封爲夏伯在禹貢豫州外方南於秦漢屬潁川本韓地今河南陽翟是也

注

地理志陽翟夏禹國今潁昌府陽翟縣有禹山

輿地志宿州虹縣本夏丘縣堯封禹爲夏伯邑於此

受禪都平陽或在安邑 今陝州夏縣本夏禹之都漢爲安邑屬河東後魏改爲夏縣郡縣志夏縣

東北十五里安邑故城禹所都也

或在晉陽 左傳注冀虛大夏今太原晉陽

世本言夏后居陽城本在大梁之南今陳留浚儀是也 劉熙云潁川陽城今屬河南按經傳夏與

堯舜同在河北冀州之域不在河南居陽城者自謂禹避商均時非都也外紀禹都安邑或云平

陽亦云晉陽及韓啟筮享神於大陵之上是爲鈞臺之享又筮於晉之墟作瑤臺於水之陽實宇

記禹自安邑都晉陽筮徙安邑

太康都陽夏 按史記夏本紀不載 按通鑑前編十有九歲王畋于洛表羿拒于河遂都陽夏

按自唐虞以來都於冀州而冀自有牧非天子自治則甸服之地跨河南北也羿拒太康於河不
得復反舊都當時自河以南尙無恙也汲郡古文稱太康居斟尋酈道元謂河南有尋地薛氏謂
今拱州太康縣漢之陽夏卽太康故城而傳亦稱相居帝丘大抵皆堯豫之境大河東南之地耳

然則太康爲羿所拒不能濟河而更都陽夏以傳仲康迄於后相皆在兗豫之境古大河之東南
羿據冀方之都因夏民以代夏政皆在冀州之境大河之北至浞滅相而夏統始中斷云

帝相都商丘

按史記夏本紀注正義曰帝王紀云帝相徙于商丘依同姓諸侯斟尋括地志云商

丘今宋州也斟灌故城在青州壽光縣東五十四里斟尋故城今青州北海縣是也臣瓚曰斟尋在
河南蓋後遷北海也 按地理通釋相徙帝丘於周爲衛 注左傳衛遷於帝丘衛成公夢康叔

曰相奪予享注相居帝丘今濮陽

外紀相爲羿所逐失國居商丘依夏同姓諸侯斟灌斟鄩 今按商丘當作帝丘蓋世紀之誤也地

理志北海壽光縣注古斟灌禹後今灌亭是平壽縣注故斟尋禹後今埭城是左傳注壽光東南
有灌亭平壽東南有斟亭括地志斟灌故城在青州壽光縣東五十四里斟尋故城今青州北海
縣是也水經注地理志北海有斟縣京相璠曰故斟尋國禹後西北去灌亭九十里

按通鑑前編夏后相元歲徙都商丘

少康復都於安邑又遷於原 按史記夏本紀不載

按竹書紀年夏世子少康生

丙寅年

少

康自有仍奔虞

乙酉年

少康自綸歸于夏邑

乙巳年

注后緡生少康既長爲仍牧正澆使椒求之

將至仍少康逃奔有虞爲之庖正以除其害虞思於是妻之以二姚而邑諸綸有田一成有衆一旅能布其德而兆其謀以收夏衆撫其官職夏之遺臣靡伯自有鬲氏收二斟之燼以伐浞浞恃澆皆康娛日忘其惡而不爲備少康使汝艾謀澆艾乃田獵放犬逐獸因喉澆顛隕乃斬澆首以歸於少康於是夏衆滅浞奉少康歸於夏邑立爲天子祀夏配天不失舊物

十八年遷都于原

按路史少康復禹之續以紹都于櫟

注十道志云陽翟有少康城洛陽記云

夏少康故邑水經潁水東歷康城卽此又瀛有中水城圖經云夏少康所造應劭云以在滄易二水間而名亦見九域志凡此蓋亦游都之類

按地理通釋少康中興復還舊都

注通典宋州虞城縣有綸城卽少康邑在縣東南三十五里

帝杼遷都於老丘

按史記夏本紀不載

按竹書紀年五年自原遷於老丘

按路史帝杼

一曰松曼是爲帝與都於原

注

紀年帝子居原自原遷於老王老王地闕

按竹書本作老丘路史作老王疑傳引之

誤

帝厯都西河

按史記夏本紀不載

按竹書紀年帝厯元年己未帝居西河

履癸都安邑

按書經湯誓孔傳桀都安邑

疏

桀都安邑相傳爲然卽漢之河東郡安邑縣是也

史記吳起對魏武侯云夏桀之居左河濟右太華伊闕在其南羊腸在其北修政不仁湯放之地
理志云上黨郡壺關縣有羊腸坂在安邑之北是桀都安邑必當然矣

按史記夏本紀注汲冢古文云太康居斟鄩羿亦居之桀又居之尙書云太康失邦兄弟五人須於
洛汭此卽太康之居爲近洛也又吳起對魏武侯曰夏桀之居左河濟右太華伊闕在其南羊腸在
其北又周書度邑篇云武王問太公吾將因有夏之居卽河南是也括地志云故鄒城在洛州鞏縣
西南五十八里蓋桀所居也

商

成湯都亳

按書經序湯既黜夏命復歸于亳作湯誥

解

亳者湯之都也湯之亳文王之豐鎬皆

王業所基也故旣除桀紂之暴則不復都夏商之故地也而必歸于亳與豐鎬本其王業之所自
興故也孟子曰湯以七十里文王以百里七十里則亳也百里則豐鎬也商周之子孫世世守之